

DE JURE NATURALI, ET POSITIVO TUM DIVINO TUM HUMANO
THEOLOGICA CONCERTATIO

Q U A

LEGUM ORIGINE, NATURA, VARIETATE, VI, PROPRIETATIBUS

Præeunte Fulgidissimo Ecclesiæ Lumine

P. O. A U G U S T I N Q

ASSERTIS, ET VINDICATIS

Libertinorum, ac Protestantium impia Juris Syllēmata subvertuntur,
ac in S. P. Augustinum impactæ calumniæ dissipantur

Publicè in eunda Neapoli in Collegio PP. Augustinianum

APUD S. AUGUSTINUM MAJOREM

A

F. THOMA CRISTOFARO

EREMITA AUGUSTINIANO THEOLOGICÆ DEFENDENTE

Annis recurrentibus Solemnis S. Catharinæ V., & M. Alex: Studiorum
eiusdem Ordinis Patronæ

Facta cuilibet Professori post tertium contradicendi facultate

E I Q U E P R Æ E R I T

F. VINCENTIUS BARISANI

S. T. M., ET PRÆFATI COLLEGII REGENS

Anno 1777. Mense Nov. Die Hora tertia post meridiem.



NEAPOLI MDCCLXXVII.

Typis VINCENTII URSINI.

PUBLICA AUCTORITATE.

*Unaquæque Anima tanto est pietate purgator,
Quanto privato suo minus delectata,
Legem Universitatis instructur,
Eique devote, ac libere obtemperat.
Est enim lex Universitatis divina Sapientia.*
S. P. Aug. l. 83. qq. q. 79.

REVERENDISSIMO PATRI MAGISTRO
FRANCISCO XAVERIO VAZQUEZ

PERUANO AUGUSTINIANI INSTITUTI

Summo, Vigilantissimo, ac Perpetuo Moderatori.

F. THOMAS CRISTOFARO A SOLOFRA

Subditorum humillimus

F A U S T I T A T E M.



UUM omnia jura Natura duce cla-
ment Majoribus devotionem, reve-
rentiam obsequium exhibendum, &
ed humilior, quod sunt & dignitate praestantiores,
& sapientia fulgidiores, & animi virtutibus cu-

A 2

mu-

mulatiores ; babes jam PATER REVERENDISSIME
causam , quæ me impulit , ut disquisitionem banc
Tibi sisterem , eximioque Nomini Tuo inscriberem ,
& nuncuparem . Tu namque ille unus es , qui si-
cut nos omnes dignitate , auctoritateque antecedis ,
ita vera sapientia , ac sublimioribus animi doti-
bus coruscas aded , ut undique earum splendor
maxima effulgeat luce , probique omnes gestorum
præclare tuorum , non tam celebratores , quàm ad-
miratores existant . Quis equidem unquam non ad-
mirabitur zelum flagrantissimum , curam indefes-
sam , laborem assiduum , sedulitatem , dexterita-
temque in promovendo augendoque Ordinis , quem
sanctissimè moderaris , decore , in regularis disci-
pline puritate magis magisque firmanda , in scientiis
fovendis , in literatis extollendis , in vera
germanaque doctrina Parentis Optimi Augustini ,
Ecclesie luminis fulgidissimi , a qua nec latum
unquem discedere , eique mordicus adbarere Augu-
stinianæ Scholæ religio est , ubique Terrarum dis-
seminanda ? Quot , Bone Deus ! monumentis ære
perennioribus nominis tui , ac illustrium facino-
rum fama , jam ultrò citròque obstrepens , apud
seram etiam non vigebit posteritatem ! Conventus
reedificati , & in elegantiore formam redacti : Bi-
bliothecæ munificentissimè locupletata : Studia con-
cinnata : Ordinis Constitutiones ad meliorem con-
gruentioremque temporum conditionibus normam ac-
como-

comodatæ : Beatorum fastis auctoritate Apostolica
adscripti plures ex Majoribus nostris Sanctitatis
fama insignes : pax, tranquillitas in toto, qua se
latè patet, nostro Instituto suavitatem, & pruden-
tiam regiminis tui, ad invidiam usque aliam, &
conservata, aliaque penè innumera quæ patraſti
clariora, a quibus recensendis, ne nimium tua
abutar modestia, abstineo, nonne immortalem Te
reddent ? At numquid pariter reticere fas erit
operâ tuâ, tuâque industriâ, labore, sagacitate
Sevenissimum, & verè Piissimum Principem
FERDINANDUM BORBONIUM Parmæ Ducem illu-
stria Fidentia, & Parmæ Augustiniana Cœnobium,
in quibus per plura retrò sæcula non defuere un-
quam plurimi eximii viri, ob verâ virtutis, pie-
tatis, & literaturæ ornamenta Deo, & hominibus
accepti, Ecclesiæ, Principi, & Civili Societati
utilissimi; quæque paucis ab hinc annis, irruenti-
bus in Ecclesiasticos calamitatibus, & ad extre-
mum penè exitium Religiosis Ordinibus eo in Sta-
tu redactis, suppressa jacebant, splendidissimis di-
plomatibus nuperrimè datis, simul cum redditibus
omnibus Ordini restituisse, tuoque prudentissimo
iterum submisſisse gubernio ? Ob beneficium verè
maximum nulla temporis edacitate obliterandum,
ac non sine ingenti animi delectatione omni æva
memoria revolvendum ? Plaudat Tibi pro tam sin-
gulari, aliisque pluribus a Te susceptis beneficiis
lati-

*l*etitiâ exultans tota quanta est Augustinensium
Familia, plaudet & sera posteritas, neque inju-
stus adeo erit ullus, qui Te tanquam Patrem be-
neficientissimum, Præsulem optimum, Ordinis In-
stauratorem non venerabitur. Quo ergo cultu, qua
reverentiâ, quæve demissiori non es, PATER
AMPLISSIME, observantia prosequendus? Id me
herculè exploratum habeas oportet, gestientis nem-
pe latitia, ac obsequentissimi animi mei erga Te
sensus intra pectoris latebras adhuc continere
nequivisse, quin publico bocce testimonio se foras
proriperent. Verebar tamen, ne ob doni nimiam
exiguitatem, humilitatemque audaciæ essem cul-
pandus, cum Summis viris summa dona deberi Na-
turæ vox sit. At me erexit præconcepta maximæ
tuæ benignitatis persuasio, qua soles etiam mini-
ma humaniter excipere, eaque non ex sui pretio,
sed ex offerentis animo extimare; ereclique jam
animi fidenciam, & vires auxit concertationis ma-
teries, quæ tum ob sui dignitatem, excellentiam,
utilitatem, tum ob maximam Te inter, & ipsam
affinitatem, non potest Tibi non esse acceptissima.
Versatur namque presens Disputatio in origine,
natura, vi, varietate, ac proprietatibus Legum
investigandis, simulque posternendis falsis, repu-
gnantibus ac impiissimis Systematibus, quibus re-
centiores Libertini, & Protestantes Seldenus,
Hobbefius, Cumberlandus, Thomafius, Budæus,
Bar-

*Barbeyracus, Roussojus, Helvetius, alique ejusdem
pici, qui Spiritus Fortes, ac Juris naturalis in-
stauratores se jactare non erubescunt, jus omne
deturpando, ad quamcumque impietatem latissimam
aperuere viam. Hinc quid hujus nostrae disputatio-
nis scopo, utilius poterit unquam excogitari? Nullo
in genere disputandi, quam de legibus, agebat
Tullius l. 1. de Leg. n. 16. magis honestè
patefieri quid sit homini tributum naturā,
quantam vim rerum optimarum mens humana
contineat, cujus muneris colendi efficiendique
causa nati, & in lucem editi simus, quæ sit
conjunctio hominum, quæ naturalis Societas
inter ipsos ec., quæ si ab Ethnico Scriptore sa-
pientissimè dicta sunt; quanto verius a Catholico
asserri non debent, qui luce revelatæ doctrinæ ad-
jutus, & in cælesti sapientia eruditus, humani
intellectus pœnali cæcitate dissipata, nedum diffi-
ciliora naturalis juris arcana pervader, sublimio-
resque penetrabit recessus; sed ex inbesausitis the-
sauris Juris positivi Divini tum Veteris, tum No-
vi regulas veracissimas hauriet ad hominis officia
moderanda, & dirigenda in Deum, in seipsum,
& in proximum, quibus & puritas Religionis,
& tranquillitas Reip., & Socialis vitæ pax, &
vera hominum felicitas, in ultimi finis sui, qui
Deus est, assequutione posita, Gratia medicinali Sal-
vatoris adjuvante, obtinebitur? Verum non solum*
ma-

materia dignitas , excellentia , & utilitas banc Tibi de Legibus jucundam reddent concertationem ; sed etiam arctissima , quam cum Legibus semper servasti , necessitudo . Nil quippe Legibus Tibi carius , aut fuisse aut esse , vel ex eo solo patefcis , quod nihil , aut meditaris , aut decernis , aut operaris , aut observandum injungis , quod ad regulas juris , ad aequitatis & justitiae normam , ad sanctissimarum Legum libellam , non sit apprimè respondens & exactum . Quæ cum ita sint , oro Te atque obsecro , PATER AMANTISSIME , ut non tam quod a me in tenuissimi muneris speciem amplissimo Nomini Tuo offertur , quàm rei gratiam , animi devotionem , ac observantissimam accipies voluntatem . Interim ego in genua provolutus , omni majori , quo par est obsequio , Sanctæ Vestis simbriam exosculor a fonte aeternæ vitæ enixè flagitans , ut Te communi Ordinis bono , nostrorumque omnium , ac mei præsertim felicitati , diù serves incolumen . Vale .

Dabam Neapoli apud S. Augustinum Majorem Idibus Novembris anno 1777.

L Quamvis varia sint eruditorum virorum placita de ethymologica legis ratione, nos Gerardi Vossii, ac Salmeronis auctoritate ducti, Latinique sermonis consuetudine inspecta, illam a legendo derivatam arbitramur; non tamen præcipuè quia lex scribitur, & legenda proponitur; sed potius quia per legem, quæ vetanda, quæque jubenda sunt, eliguntur, quemadmodum præclarissimè animadvertit P. O. Augustinus q. 20. in *Levir.* scribens: *Legem ab eligendo Latini Auctores appellatam esse dixerunt.*

II. Quoniam vero id circa quod leges versantur Jus dicitur, atque P. O. Augustino docente in *Ps.* 145. *Jus est, quod justum est, rectæ methodi causâ, justitiæ originem, & fontem primo initio statuere opportunum judicamus, ut inde legum natura, proprietates, conditiones, quæque ipsis inest adstringendi vis clariùs patefcat, solidiùsque firmetur. Deum itaque, ut omnis justitiæ fontem agnoscimus, & veneramur, quatenus nempe in ipsius divina essentia relucet nedùm rerum omnium naturæ, sed etiam ordo necessarius, & æternus, quem inter se habent, ipsaque sit veluti idea archetypa, & necessaria rerum omnium, quæ fieri possunt, ordinisque earumdem ad invicem. Hujusmodi proindè ordo æternus, & immutabilis in mente divina existens exemplar, origo, & fons est veritatis, & justitiæ.*

III. Deus vero, cum ipsamet veritas & justitia sit, ab hoc æterno, & necessario ordine, in quo veritas & justitia tota sita est, se avertere non potest, sed eidem perfectè & immutabiliter adhæret. Di-

vina autem voluntas huic ordini consentanea lex æterna nuncupatur, rectissime a P. O. Augustino l. XXII. adv. Fauf. c. 27. definita: *Ratio divina, vel voluntas Dei ordinem naturalem conservari jubens, & perturbari vetans.*

IV. Si rerum omnium ordo necessarius in divina adinvenitur Sapientiâ, ac *per æternam legem fit, ut omnia sint ordinatissima*, ut docet l. I. de lib. arb. c. VI. P. O. Augustinus, jam creata omnia, tam necessaria, quam contingentia esse æternæ legi subiecta liquidè constat. Verum quia Creaturæ aliæ sunt sensu, & ratione carentes, in quibus proinde obedientia nonnisi improprie inveniri potest, rei scilicet arbitrio carentis suo; aliæ rationales, quibus vera obedientia posita in obtemperacione animi libertatem suam retinentis respondet; hinc exploratum pariter habemus æternam legem respectu irrationalium latam dumtaxat, & metaphoricam, respectu autem rationalium creaturarum veram, & propriam rationem legis habere.

V. Sapientissimus autem rerum omnium Gubernator Deus, qui juxta suam æternam legem creaturas quascumque tum cœlestes, tum terrestres disponit regitque, hominum mentibus inserit eadem suæ ipsius æternæ legis præcepta, cujus lumine seque aliosque dirigant; atque hæc præcepta rationali indita creaturæ lex naturalis vocatur. Naturalis itaque lex in nobis nihil est aliud, quam æterna Dei ratio sempiternis rerum, earumque ordinis necessarij ideis perfecte conveniens; sive ut illam aureis P. O. Augustini verbis l. 83. qq. q. LIII. definiamus: *est ipsius æternæ legis in mente hominum per participationem* in.

incommutabilis rationis divina facta transcriptio :

- VI. Ex hisce sponte veluti sua fuit pravitatem, aut bonitatem actionum jussarum, vel inhibitorum a naturali lege esse interiorum, & in iis sitam, quatenus ipsarum naturarum suarum, aut discordant, aut conveniunt cum ordine æterno, & immutabili, qui inter essentias rerum in infinito Dei intellectu refulget; ac proinde bonitas, aut pravitas harum actionum concipitur prior tempore qualibet lege, sicut prior quovis libero jussu, aut legislatione divinæ voluntatis concipitur ordo æternus, & necessarius inter ideas in divina essentia tanquam in exemplari, & archetypo rerum omnium existentes.
- VII. Deus autem, cum sanctissimus, & perfectissimus sit, non poterat aliam legem hominibus præscribere, nisi sanctam honestamque. Jam honestas, ac sanctitas actionum a natura jussarum mutari non potest, quin immutabilis æternusque inter rerum ideas ordo mutetur. Ordo autem hic mutationem vel minimam subire nequit, nisi essentia ipsa Dei, in qua ut exemplari, & fonte eadem idearum, cum suo ordine elucet, mutationi subjaceat, quod impium est cogitare; necessario fit inde pariter consequens, quod etsi Deus potuerit creare, aut non creare hominem, non potuit tamen legem aliam naturali contrariam, aut ab ipsa diversam in ejus mente inferere.
- VIII. Imò quoniam homo mente, & diligendi facultate essentialiter præditus est; lex autem naturæ ab ipsa ratione est indistincta, quod egregiè nimis docet P. O. Augustinus *Conc. 25. in Psalm. 115.* scribens: *Sine lege naturali essent, si præter natu-*

ram generis humani esse potuissent, neque etiam potest homo concipi naturali lege destitutus. Mera proinde, est illusio quorundam homines quandoque *Ex-leges* comminiscantium.

IX. Ordo quoque Creatorem inter, & creaturam necessario exposcens, ut hæc ab ipso regatur, eidemque pareat, sicque suo subjaceat Factori; necnon rationalis creaturæ conditio, quæ legis capax est, directionis, & imperii, quæque ob intrinsicam defectibilitatem ad bonum, & malum flecti potest, in errores labi & vitia, satis luculentè firmissimèque demonstrant sine naturali lege a qua dirigatur obstringaturque hominem esse hæc posse.

X. Et reapse unicuique hominum inditam esse naturalem legem, singulisque, quantumvis, aut educatione, aut locorum, temporum, & morum distantia discrepent ab invicem, unam summam & intimam regulam honestatis affulgere, præter ingenitum virtutis appetitum, ingeneratamque abominationem vitiorum, ostendit evidentissimè perpetuus conscientia stimulus, quo torquentur quicumque ab hac lege deflectunt. Synderesis quippe malè sibi conscius depascens latens in pectore fractæ legis, testimonium est ineluctabile.

XI. Huic autem naturali legi maximam ineffe vim obligandi, ipsamque sufficienti sanctione instructam esse, ac aded, ut nulli fas sit eam, vel minime lædere, absque impietatis, & dementia nota denegari non potest. Sive enim summi Dei sapientiam, sanctitatem, justitiam, providentiam, ceteraque ipsius inspiciamus attributa: sive perfectionem, & finem humanæ naturæ convenientem, a quo per
na-

naturalis legis violationem receditur ; meridiana evadit luce clarius , aliud non potuisse Dominum velle æternæ legis dictata mentibus nostris inferendo , quam nos adstringere , ut ad horum dictatorum normam mores componamus , sicque ordo ille , cuius ipse fons est , exemplar , & custos supremus fervetur ; nimium proinde in summum Deum , ipsiusque divina attributa injurii sunt , qui naturalem legem obligandi vi esse destitutam , Deumque indifferentem esse , vel illam violemus , vel adimpleamus effutire non verentur .

XII. Si lex naturalis est participatio legis æternæ a Deo , qui ipsamet sanctitas , & bonitas est prorsus indistinctæ , illius universalissima præscriptio alia esse nequit , quam *bonum est diligendum , malum fugiendum* . In hac porro una quæcumque per naturalem legem , aut jubentur , aut vetantur , velut in genere , continentur . Dilectio autem Dei , & proximi sunt in specie ea legis naturæ præcepta ad quæ cetera faciliè reducuntur .

XIII. Licet ex statutis jam a nobis principiis naturalis legis immutabilitas firma adeò consistat , ut concuti nulla ratione valeat , nisi æternus , & immutabilis rerum ordo in mente divina consistens , ipsaque proinde Dei essentia mutationi obnoxiat sit , quod impossibile omnino esse nemo non videt ; nihilominus ne quæstiones a Sacris Tractatoribus agitari solitas omittere videamur , naturalem legem , neque per abrogationem , neque per subtractionem mutari posse asseveramus .

XIV. Sed nullam pariter in Terris potestatem adeò sublimem unquam reperiri contendimus , quæ per dispen-

dispensationem ab observantia naturalis legis valeat homines eximere ; oppidò proinde nostro iudicio falluntur quicunque opinantur , Summum Ecclesiæ Rectorem posse contra jus naturale dispensare.

XV. Imò nec in Deo ipso in aliquo naturalis legis præscripto dispensandi agnoscimus facultatem , quidquid pluribus collectis Sacrarum Scripturarum exemplis in adversæ sententiæ patrociniū asserant nedum Coccejus hac in re Grotii oppugnator , & quotquot in materia naturalis legis interiorem essentialē honestatem , aut turpitudinem non admittunt ; sed etiam nonnulli e Schola Theologi , alioquin præclarissimi.

XVI. Quorum opinioni nunquam adhæsisse mellissimum Doctorem Bernardum ex sola operum ejus lectione facile poterit quisque dignoscere.

XVII. Hæc hætenus a nobis constituta theorematum e radicibus veluti evellunt , subvertuntque falsa , & monstruosa recentiorum libertinorum , qui spiritus fortes se jactant , Ethices systemata . Verum , ut magis appareat quantum a veritate aliena sint , & æquitati , ac rationi contraria , principaliora saltem eorundem capita sigillatim confutanda assumimus ; ac in primis tanquam impium , & absurdum rejicimus quod Hobbesius , & post eum Oslandrus , Selde- nus , Puffendorpius , aliique ejusdem farinae homines statuerunt , omnia nempe ante legem voluntariam esse indifferentia , atque aded ex solo libero Legislatoris beneplacito bona , aut mala evadere.

XVIII. Sed non minus absurdum , & horrendum est fundamentum in quo tam nefarium systema superstruxit Hobbesius : *Naturam scilicet dedisse uni-*
cui

enique hominum jus in omnia; hoc est in statu nature naturali, sive antequam homines ullis pactis sese invicem obstrinxissent, unicuique licuisse facere quacumque; & in quoscumque, ac proinde possidere, uti, frui omnibus; quæ volebat, & poterat.

XIX. Omni pariter execratione dignissimum est aliud paradoxum, quod vi sui systematis adoptare conatus est Hobbesius: Bellum scilicet omnium in omnes, atque spem unicuique securitatis; conservationisque suæ in eo sitam esse, ut viribus artibusque propriis proximum suum, vel palam, vel ex insidiis præoccupare possit. Sunt ipsamet Hobbesii verba lib. de Civ. c. 12., & c. 5.

XX. Ut autem doctrinæ suæ horrorem temperet Hobbesius, generisque humani declinet invidiam, quamdam naturæ legem admittit præscribentem quærendam esse pacem, ubi haberi potest; atque hinc infert mutuis passionibus debere homines se divincire, ut bellum omnium in omnes devitent. At si prima naturæ lex homines impellit, ut mutuis pactis pacem curent, hæc eadem lex non potest non damnare bellum omnium in omnes, ac proinde Hobbesianum systema antilogiarum complexum est, ac seipsum evertit.

XXI. Alterum impii Hobbesiani systematis principium est: Jus omne in vi esse collocandum: potentiam certam, & irresistibilem jus conferre regendi imperandique in eos, qui resistere non possunt, aded ut omnipotentia ab ea causa omnium rerum agendarum jus essentialiter, & immediatè adhareat: jus proinde Deo esse a sola potentia irresistibili, ac obligationem ad præstandum ipsi obedientiam incumbere homi-

mi-

minibus propter imbecillitatem, quod tanquam maximè exitiosum, cuiuscunque legis honestatis, & iustitiæ destructivum, in divinam bonitatem, & sapientiam injuriosum, rejicimus, & execramur.

XXII. E tenebris Hobbesianis à Roufsojo extractum systēma, & ab Helvetio adoptatum hominis scilicet natura sua solitarii silvestrisque, nedūm pura putaque fabula est per divinam revelationem penitus explosa, sed & indigna viro Philosopho, & cui-cunque se sanz mentis esse profitetur.

XXIII. Sed quid dicendum de quibusdam fundamentalibus juris naturalis regulis a Protestantibus libertinisque recentioribus evulgatis? Tantum non est nobis otii, ut singulas peculiariter refellamus; sed neque præstare id lubet, præsertim cum e regione statutorum a nobis principiorum ex semetipsis corruant necesse est, nullusque sit rationis compos, qui earumdem impietatem, absurditatem, perniciosissimasque ab iisdem necessariò fluentes consequentias non deprehendat, ac detestetur.

XXIV. Veritatis tamen amor, & filiale erga P. O. Augustinum studium retundere nos cogunt effrænatam Barbeyraci animositatem, qui Doctorum Aquilam, fulgidissimumque Ecclesiæ Lumen tanquam naturalis juris inscium venditare non erubescit; tresque errores cum lege naturali pugnantes audet ipsi impingere. At quæ in sui mendacii pattocinium ex aureis S. P. Augustini operibus superciliosus Patrum censor infarcit, nonnisi propriam in calumniando impudentiam, naturalisque juris inscitiam producat.

XXV. Tantum quippe abest Magnum Augustinum docuisse licere uxori cedere alteri mulieri jus, quod
in

in proprium maritum habet, & e contra maritum alteri viro renunciare jus in propriæ uxoris corpus, ut Barbeyracus calumniatur; quin potius nullus est, qui adulterii fœditatem, & malitiam aded strenuè solidèque infectatus sit, ut Augustinus, qui duos integros libros de adulterinis conjugiiis scripsit, in quibus ex instituto, adulterii nequitia pleno in lumine collocatâ, illam undique persequitur & execratur. Barbeyracus autem ad suam sycophantiam incrustandam textum eximii Ecclesiæ Doctoris *en Serm. Domini in Monte c. 15.* excerptum, truncatum referens, & in extraneum sensum detorquens nequit a turpissima fraudulentia excusari.

XXVI. Sed emicat magis Barbeyraci fraus, & audacia in præclarissimum Doctorem Augustinum insurgentis, quod in *Ep. 153.*, alias 54. *ad Maced.* docuerit: *Justos omnium jure potiri, infideles autem legitimè possidere nihil*, cum in illa eadem Epistola, eademque prorsus pagina maximum Ecclesiæ Lumen Augustinus societatis jura, & justitiæ confinia tueatur, debitores ad reddenda aliena urgeat, omnesque instruat, & hortetur ad mutuam servandam justitiam, cujus læsio jura societatis infringit, nullibi distinctione facta inter justos & peccatores. Docet quidem ibi P. O. Augustinus homines temporalia bona a Deo accepisse, ut iisdem benè uterentur, ac proinde, quotquot in malos usus ea distrahunt, Deo supremo distributori reddere rationem debere, utanquam illegitimos possessores; justos e contra quia, quatenus justii sunt, omnibus rectè utuntur, omnia jure possidere; quo nihil dici potest verius; & naturali, divinæque legi conformius.

mius. At ex hisce inferri Doctorem sanctissimum tenuisse iustos omnia iniquorum bona invadere, posse, ac super ea dominii jus habere, solum malevolentissimum Barbeyraci ingenium potuit excogitare.

XXVII. Si naturæ lex clamat, fideliter standum esse promissis, ut etiam recentiores Libertini, & Protestantes concedunt, nec ipsemet denegat Hobbesius; tanquam naturalis legis fractor, & perfidiæ reus, plecti jurè debet, qui liberè Religione susceptâ, Deoque fide datâ, ab eadem desciscere, aut proprio arbitrio temerare & corrumpere illam tentaverit; contra jus naturæ itaque minime Augustinus erravit justam asserens hæreticorum punitionem, ut perperam Barbeyracus effudit Tolerantissimi, & Indifferentissimi patrocinator acerrimus.

XXVIII. Sed ad nostrum institutum jam redeamus oportet. Naturalis lex, etsi singulis hominum mentibus inhæreat, quoniam in plurimis ob vetustam vitiorum consuetudinem, idolatriam, noxiasque cupiditates a recta ratione averfis, & veluti obrutescentibus cœperat defuescere; hinc misericors Dominus dignatus est naturalis legis præcepta etiam literis consignare, ut nempe *prævaricatores*, quemadmodum in *Psal. 57.* magnus Augustinus animadvertit, in *tabulis legerent, quod in cordibus non legebant.*

XXIX. Naturalis lex in duabus lapideis tabulis insculpta, & intra decem a Domino coarctata sententias, Decalogus appellatur. At quomodo decem præcepta in duabus Testamenti tabulis fuerint distributa divinare vix possumus. Inter varias tamen de hujusmodi præceptorum partitione veterum opinio-

niones, tanquam verosimiliorem, magisque probabilem amplectimur illam *Ep. ad Jan. c. 12. l. 3. Confess. c. 8.*, & alibi a P. O. Augustino traditam, & jam inter Catholicos communem, quâ nempe statuitur in priori tabula tria tantum ad Dei cultum pertinentia, in altera septem reliqua spectantia ad proximi dilectionem contineri.

XXX. Primo Decalogi mandato : *Non habebis Deos alienos coram me : Non facies tibi sculpsitæ, neque omnem similitudinem, quæ est in Cælo desuper, & quæ in Terra deorsum, nec eorum, quæ sunt in aquis sub Terra.* Exodi c. 20. v. 3. cultum quemlibet idolorum, ac statuas ligneas, vel lapideas factas causâ cultus extranei, aut scalpro, aut dolatura, & idola cujuscunque generis sive conflata, sive picta quibus religiosus cultus exhiberetur prohiberi, rem minime dubiam esse omnes fatentur. At Judæis, vi hujus præcepti, omnem prorsus sculpturam, aut imaginem fuisse interdictam, ut nonnulli acerrimè propugnant, falsum penitus existimamus.

XXXI. Præter naturalia præcepta, quibus constat Decalogus ex caeremonialibus etiam, ac judicialibus mandatis Lex vetus, toto veteri Testamento comprehensa, coalescit. Hanc a Diabolo, vel malorum omnium principio latam fuisse blasphemarunt olim Simoniani, Carpocratiani, Valentiniani, & omnium impudentissimi Manichæi, quorum insaniam strenuè repressit in *ll. adv. Faust.* hæreticorum Malleus P.O. Augustinus, cujus vestigiis inherentes, Legem Veterem opus Summi Dei fuisse, ac proinde bonam, sanctam, non pravis constitutam præceptis pro aris & focus sustinemus.

XXXII. Tanquam vana deliria quorundam veterum deridemus opiniones effutientium, veterem legem partim a Deo, partim a Moyse, partim a Senioribus fuisse institutam; cum ineluctabilia argumenta demonstrent Vetus Testamentum totum a Deo fuisse, neque illi, aut Moyse, aut Populi Seniores aliquid pro libito addidisse.

XXXIII. Etsi Deus totius veteris legis auctor fuerit, & institutor; hæc tamen merito Mosaica nuncupatur, & Moses non improbanda ratione Hebræorum dicitur Legislator, quoniam instituta a Deo legis promulgator extitit, nec alterius hominis manu, vel ore eadem lex conscripta fuit, aut prolata.

XXXIV. Et quoniam ad Moyse Hæbraicarum legum promulgatorem nostra descendit disputatio, non in-jucundum, neque inutile erit, si nonnulla, quæ de memorabili sanctissimoque viro solent eruditos inter contrôverti, hic etiam inferamus; ac primo adversus aliquos, qui nomen *Moses* Ægyptium fuisse autumant, tum quia puerulo impositum a filia Pharaonis Ægyptia, tum quia in Ægyptiaca lingua congruentem habeat ethymologiam; cum Rabbino Abenezra, ac innumeris doctissimis viris Hæbraicum fuisse statuimus.

XXXV. Moses *Polygamon* ne, an *Monogamon* fuit? Cum Scriptura de uxore Mosis loquens Æthiopisam illam appellet *Num. 12.*, ac *Exodi c. 11.* habeamus pariter Mosen in uxorem duxisse Sephoram filiam Jetro Sacerdotis Madian; cumque Madian Patria Sephoræ sita fuerit in Arabia Petraea ad mare rubrum longè ab Æthiopia dissita; visum idcirco est Scriptoribus plurimis post Josephum *l. 2.*
An-

Aniq., Abulensem, Comestorem, Fabricium, uxorem Moysis Æthiopisam, aliam fuisse a Sephoræ Madianitide; ac per consequens Moſen *Poligamon* dixere. Longè ramen verius nobis videtur, Moſen *Monogamon* fuiſſe, nec aliam præter Zipporam, ſeu-Sephoram habuiſſe uxorem, quemadmodum cum Tertulliano ſentiunt eruditiffimi viri quamplures.

XXXVI. Moſen interfeciſſe Ægyptium percutientem quemdam de Hebræis fratribus ſuis *Exod.* c. 2. narratur; hinc Faustus Manichæus apud P. O. Auguſtinum *l. 22. adverſ. Fauſt.* Moſi immane homicidii crimen impingit; at licet contra ſanctiſſimum Legislatorem non leves militent conjecturæ præſeferentes criminis ſuſpicionem, ipſum tamen Ægyptium percutiendo nullo homicidii reatu ſe commaculaſſe, validiſſimis innixi momentis tuemur.

XXXVII. Moſen genere fuiſſe Judæum nedùm Libri Sacri teſtantur, ſed & ex Ethnicis Scriptoribus Tacitus, Lyſimachus, Dionyſius, & quotquot illius meminerunt; putida proindè fabella ſit oportet, quod de Heliopolitano Moſis genere, & expulſione a ſuis ob lepram, ſcribit Appion apud Joſephum.

XXXVIII. Lepræ vitio revera Moſen laboraſſe, præter Appionem ſcripſerunt etiam Tacitus, Prolo-mæus Alex., & Lyſimachus; ſed hoſce omnes mendaciſſimos hac in re fuiſſe invidæ argumenta demonſtrant.

XXXIX. Moſis facies ſplendida & radians rectiſſimè ab Auſtore Vulgaræ cornuta dicitur, metaphora ducta a cornu Hæbraicè dictum *Cberem*, quo vocabulo radios denotant Hebræi, qui ad inſtar flammulæ

mulæ in pyramidem uti cornua elevantur; perperam proinde in hanc Vulgatæ lectionem debacchantur Protestantes, ac irrationabiliter rejiciendam esse contendunt.

XL. Moysen primum literarum inventorem minime fuisse pro certo habemus, cum longe ante ipsum alphabeticas literas apud Ægyptios extitisse non sine maximo rationum pondere, vetustissimisque historiarum monumentis *l. 18. de Civ. Dei c. 39.* doceat P. O. Augustinus.

XLI. Hisce paucis de Moyse discussis, ad Mosaicam legem redimus, ne nimium quam par est a proposito deflectere videamur. Quamobrem legalium originem investigantes, refutandam principid assuimus Manichæorum, ac Gentilium Scriptorum insaniam, secundaria Judæorum præcepta, ritusque legales tanquam inutiles, ac sine ulla ratione institutos deridentium, statuendo Cæremonialia veteris Legis præcepta, inspectâ conditione temporum & personarum, eo præcipue optimo consilio a Deo fuisse præscripta, ut grassantem idololatriæ superstitionem compescerent, & Judæos a peregrinis ad patrios mores, & ab idolis ad veri Dei cultum, sensumque revocarent, simulque futuri Reparatoris præfigurarent adventum.

XLII. Quæ maximâ eruditionis copiâ, rethorice sermonis fuco, aut ex Scripturarum oraculis, & Patrum auctoritate, aut ex historicis monumentis, verosimilibusque rationibus simul congersere viri doctissimi Spencerus, & Marshamus, ut ostenderent Deum ritus Egypti plurimos, splendore præsertim aliquo plebem fascinantes, Israelitis, qui per mul-
tas

tas annorum vices cum Ægyptiis vixerant, concessisse, & conservasse, ac in sui cultum legemque transtulisse, ne Populus ille moris antiqui tenax, sacris novis, aut rudibus offensus, a Legis institutis ad Ægypti superstitionem resiliret, tanti ponderis non sunt, ut cordatorum Theologorum assensum promereantur, qui firmiter longe momentis innixi tutantur, nunquam Deum aliquam ex suis Cærimonialibus Legibus, ad Israeliticum Populum a Gentium communione & moribus separandum, ad idololatriam subvertendam, ad Salvatoris Christi sanctissima præsignanda mysteria institutis, ex Ethnicorum superstitione mutasse.

XLIII. Si autem hæc cærimonialia præcepta umbræ, & signa erant futurorum, Redemptorisque adventum, & Evangelii gratiam præfigurabant; advento piissimo Reparatore, completisque Evangelii figuris celsare ea debuisse manifestissimum est. Intolerabilis proinde est pervicacia, & crassa Judæorum inscitia existimantium perpetuo tempore esse legalia duratura.

XLIV. Et reapse Salvatore nostro suffixo Cruci Lex vetus in iis, quæ Evangelii typum gerebant desit obligare, simulque cum Redemptore mortua, & ipsa est adeo, ut neque ad æternam salutem fuerit amplius necessaria, neque vim aliquam haberet a peccato expiandi.

XLV. Non tamen statim ac hujusmodi legalia fuere abrogata evaserunt etiam mortifera, & noxia illi-
cò esse cœperunt, ita ut nefas esset eadem amplius ex animo observare; quæ fuit olim præclarissimi S. Hieronymi sententia; sed ne viderentur antiqua
Sa-

Sacramenta, quæ in umbris rerum futurarum Deus fieri iusserat, tanquam diabolica Gentium sacrilegia vitari, sicque obrectationibus inimicorum proscinderentur; atque ut Mosaica, lex veluti mortuum cadaver, in gratiam animæ paulò ante in ipso detilescens, cum honore sepeliretur, licitum fuisse aliquando Judæorum legitima servare P. O. Augustino duce sustinemus.

XLVI. Apostolus proinde Paulus restitit in faciem Cephæ, quem reprehensione dignum judicavit, non quod ille ureretur legalibus; sed quod intempestivè ea usurpando, erat Gentibus occasio offensionis, illasque ad iulazandum cogendo, legalium videbatur adstruere necessitatem, quasi quod sine illis veteribus Sacramentis credentes in Christum salvi esse non possent, ut *ep. 82. c. 2. P. O. Augustinus* advertit.

XLVII. Cephæ autem a Paulo reprehensum alium, esse a Petro Principe Apostolorum Hector Pinus, Cornera, Harduinus, Boileau cum nonnullis veteribus asseruerunt. At hujusmodi opinio jam a Hieronymo, Augustino, aliisque Patribus, a Scholasticis etiam, & Sacrorum Librorum Expositoribus refutata, ex eadem Paulina *ad Gal. Ep.* adèd validissimè refellitur, ut Magno Gregorio auctore, is qui Cephæ a Petro distinguunt *si Pauli studio suis verba legissent, ista non dicerent.*

XLVIII. Si cærimonialia legis præcepta in Christi morte abrogata fuere, nec amplius ad salutem conducebant, cur gentibus, quæ ad legalia cogi non poterant, impositum fuit *Act. Apost. c. 15. v. 29.*, et tantquam observatu necessarium, ut *abstinerent se ab im-*

immolatis simulacrorum & sanguine , & suffocato , & fornicatione ? Verum cum hæc fuerint Ethnicis superstitiosi cultus argumentum , & his quatuor in ipsis Ecclesiæ incunabulis studeret diabolus ad idololatriam trahere fideles , ut a Gentilibus superstitiones , & vitia cultum idolorum comitantia penitus removerentur , optimo consilio hanc servandam abstinentiam præscribere Apostoli ; minime vero ut cæremoniæ veteres iterum statuerentur.

XLIX. Abrogatis per Christi mortem Judaicis cæremoniis gratiam Evangelii præsignantibus , Redemptoris Sanguine Novum firmatum est Testamentum , ac Lex nova statuta , quam a Mosaica differre , ipsâque longè esse præstantiorem , ac jure meritoque legem amoris & gratiæ , jugum suave , & onus leve nuncupari , plurima eaque invictissima argumenta demonstrant .

L. Quanquam jugum suave , & onus leve Evangelica Lex verè dicatur , ac reapse sit , jugum tamen semper , & onus est , quia suis constat præceptis opere animoque a Fidelibus servandis . Blasphemant proinde Lutherus , Calvinus , & Pseudoreformati alii impiè sentientes Evangelicam Legem a quibuscumque exterioribus saltem operibus libertatem induxisse .

LI. Cum autem Sacerdotium Christi æternum sit , neque perfectius ab hominibus possit expectari , ac juxta Apostolicam doctrinam , permanente Sacerdotio nequaquam legis fiet translatio ; hinc Evangelica Lex Sanguine Æterni Testamenti firmata , nulla temporum successione interibit , sed usque ad sæculorum consumationem perdurabit . societatemque

Christianorum, supernorum Civium sequetur hæreditas.

LII. Expeditis iis, quæ de jure positivo divino tum veteri tum novo erant discutienda, ad humanas Leges Ecclesiasticas, & Civiles properamus, principaliora dumtaxat de utrisque attingendo; ac initio subvertenda venit impia a Grotio, Goldastio, Pufendorffio, Coringio aliisque Novatoribus erecta moles, qui Hierarchiam Ecclesiasticam a Politica Potestate sejunctam, figmentum esse Papisticum Imperia lacerans, & regimina pervertens procaciter effutientes, jus Civile supremum cum Sacro turpiter confundunt, & supremæ Potestati Civili annexam esse Potestatem in Sacra pervicacissimè contendunt. At turpiter errant, dum tam perniciosissimum hæresis monstrum divinâ antiqui fœderis auctoritate fulciri obtrudunt.

LIII. Crassius tamen, & turpius Protestantes Jurispublicistæ falluntur, dum vi, aut novi Testamenti, aut legis naturalis summas Potestates jure potiri in Sacra dogmatizant.

LIV. Duas quippe agnoscendas esse Potestates humanas, unam nempe Ecclesiasticam a Deo Auctore supernaturali manantem, cui soli jus in Sacra competit, & spiritualia moderatur; Civilem alteram a Deo Naturæ Auctore proficiscentem, cujus muneris est politicum bonum, & Civilis Societatis tranquillitas, ineluctabili divina auctoritate docemur, quibus duabus Supremis Potestatibus naturâ distinctis, ordinisque diversi, ita tamen temperatis ut una alteram firmet, tota Christianæ Religionis & Politicæ Societatis moles regitur & gubernatur.

LV.

LV. Quæ cum ita sint, solius Ecclesiasticæ Potestatis est leges ad spirituale Christianorum regimen instituere, quibus ordinis & disciplinæ vigor, purior Dei cultus, Religionis incrementum, & æterna Fidelium salus promoveatur.

LVI. Neque Ecclesiasticæ Potestati munus duntaxat competit suadendi & declarandi, ut comminiscuntur Novatores; sed etiam auctoritas, & potestas coactiva, quâ possint suarum legum fractores, vi & impositâ necessitate compescere, quemadmodum Divina oracula, & ab Apostolicis usque temporibus vetustissima Ecclesiæ praxis commonstrant.

LVII. Civiles etiam Supremas Potestates potiri facultate legum condendarum, quæ Politicæ Societatis bonum, pacem, tranquillitatem conservent promoveantque, veritas Fidei est contra Valdensium Wiclefitarum, ac Lutheranorum deliramenta ineluctabili cujuscumque generis argumentorum munita præsidio.

LVIII. Licet in Sæcularibus Potestatibus auctoritas, aut imperium nullum sit de rebus spiritualibus leges condendi; facultatem tamen habent, imo, si necessitas adsit, tenentur, tanquam Ecclesiæ defensores, & vindices leges ferre ad Ecclesiasticas, & Divinas promovendas, omnique sedulitate curare, ut executioni mandentur.

LIX. Leges autem humanæ sive Ecclesiasticæ sint, sive Civiles, nonnullas ut obstringant postulant conditiones, inter quas præcipuas esse, ut justæ sint, ad bonum commune directæ, diutinæ, & universales nemo poterit jurè inficiari.

LX. Ononiam Populi legibus quas invicibiliter igno-

rant ligari non possunt, neque Legislator obedientiam potest exigere a Subditis, nisi iis mandata ipsius innotescant; hinc ante promulgationem vim nullam obligandi humanas leges habere extra controversiam est positum. E contra verò, dum ad Subditorum notitiam latæ leges pervenerint, itaut de ipsarum existentia, & promulgatione dubitari prudenter non possit, illicò ad earundem observantiam teneri, rationi videtur quàm maximè consonum; ac proinde a prudentis Legislatoris potestate atque arbitrio pendere opinamur, num lex ut obliget debeat in sola Metropoli, an in singulis Provinciis promulgari, & an statim post promulgationem, an vero post certum tempus Subditos stringat; dummodò tamen huic generali assertioni non obstant, aut consuetudines alicubi locorum legitime vigentes, aut peculiaria Regionum jura.

LXI. Cum Legumlatores non sint, nisi qui voluntatem, potestatemque habent Subditos adstringendi, fit inde consequens humanis legibus, sive Civilibus, sive Ecclesiasticis obligandi vim inesse independentè a Populi acceptione.

LXII. Humanis imò legibus, & Ecclesiasticis, & Civilibus etiam justos teneri adstrictos, exploratissima veritas est; quidquid Novatores obganniant, cœtum justorum a legum humanarum observantia immunem esse contendentes.

LXIII. Turpissimè pariter aberrant Waldenses, Calvinistæ, ceterique Sectarii callidiores, qui ne videantur humanas penitus rejicere leges, versutè dogmatizant has in solo exteriori foro adstringere, & absque læsione conscientia violari posse. Sacra-
rum

rum quippe Scripturarum auctoritate , Patrum testimoniis, aliisque validissimis Theologicis argumentis constat leges humanas Ecclesiasticas nedum, sed & Civiles coram Deo, & in foro interno conscientiae inferiores obligare .

LXIV. Imò dissentientibus inter se Catholicis Doctoribus , num Ecclesiasticis legibus interiores quoque actus per se, directe, & tanquam proprium ipsarum legum substratum praescribi possint, arbitramur sententiam magis commodam dirigendis moribus Filiorum Ecclesiae eam esse, quam docuerunt Romanus Aegidius, Vanroy, Guerrero, Piette, alique Augustiniani Theologi, praeter exteros complures, quaeque tradit interiorum quoque actum ratione sui sub Ecclesiae praecepto cadere posse .

LXV. Legislatores autem , qui in Terris superiores non habent , a quibus redargui possint , & puniri , non esse legibus a se latis , quantum ad vim coactivam obstrictos certissimum est; at institutis a se aequitatis regulis subiaci vi aeternae , & naturalis legis jubentis , ut omnia sint ordinatissima , neque potest pariter in dubium revocari .

LXVI. Advenas autem, & Peregrinos locorum ad quae accedunt teneri legibus, non proprii unde abierunt Territorii sententia est P.O. Augustini *Ep. ad Jan.* 18. canonum auctoritate , consuetudine, disciplinae , & deprompta, a periculo scandali ratione , validissime firmata .

LXVII. Exigit tandem instituti nostri ratio, ut pauca saltem, quae de corpore juris Canonici, seu Ecclesiastici , & de corpore juris Civilis solent Eruditos inter controversi , huic nostrae concertationi adne-

ſtamus. De authenticitate celebris, ac perantiquæ Canonum collectionis factæ ab Iſidoro, quæ pro-
tenditur a Canonibus Apoſtolicis ad ſecundam Sy-
nodum Hyſpalenſem, & complectitur etiam vete-
rum ante Siricium Pontificum Decretales, magna
contentione poſt Joannem Wicleſum decertatum eſſe
norunt eruditi omnes. Spurias nedum, ſed & hæ-
terodoxas illas eſſe cum Blondello Novatores ceteri
blaterabant; autographas e contra, Catholicasque
cum Turriano nonnulli ex Catholicis aſſeverabant.
Nos autem inter hæc duo e diametro oppoſita opi-
namenta, Petri de Marca, Antonii Pagii, Joannis
Bortonii, aliorumque doctiſſimorum virorum cal-
cantes veſtigia, mediâ incedimus viâ, ſtatuentes
Iſidorianas Decretales interpolatas eſſe, & magna
ex parte ſuppoſitas; minimè vero rejiciendas, ut
Apoſtolicæ doctrinæ, Orthodoxæque fidei adverſan-
tes.

LXVIII. At quamvis hujusmodi Decretales non ſint
omnes genuinæ, nec collectio ipſa autographa;
omnes tamen tanquam ſpurias expungere imperi-
torum eſt, atque imprudentium; recto proinde cri-
terio utendum ad ſecernendas genuinas a ſpuriis,
ne cœco, ac præcipiti judicio cum ſpuriis genuinæ
rejiciantur.

LXIX. Imo quæ ad adulterinas jurè amandantur, ne-
que ſunt tamerè reſpuendæ; cum in iis contineri
dogmata cum recta fide pugnantia, prætextum hæ-
reticorum mendacium eſſe, vel ex eo ſolo luculentif-
ſimè conſtat, quod iſdem tanquam conſentientibus
Patrum traditioni, & Eccleſiaſtica diſciplinæ uſque
ad tempora Concilii Conſtantienſis, uti ſint com-
muniter Fideles.

LXX.

LXX. Alter celebris Canonum Collector fuit Gratianus Monachus Cluniacensis. Hæc autem collectio ut potè a privata persona, nulla condendæ legis fræta auctoritate, composita, nec unquam ab Ecclesiastica Potestate tanquam authentica & legalis approbata, intrinsecam Canonum auctoritatem augere non potest; proindèque Canones a Gratiano collecti, non aliam habent auctoritatem, quàm fontium locorumque, unde sunt derivati.

LXXI. Canones verò, qui vulgò dicuntur Apostolici, quam habeant antiquitatem, & originem ob varia doctissimorum virorum placita, non est facile definire. Nos autem, neque eos credimus Apostolica auctoritate conditos, & pervetustissima traditione ad nos derivatos, ac per Clementem in unum congestos, ut visum est Severino Binio, Turriano, Grutero, Lindano, aliisque pluribus; neque editos arbitramur vergente ad finem quinto Christiani nominis sæculo, ut inter alios contendit Dallæus; sed potius Petro de Marca, Albaspinæo, Beveregio, Scaligero, aliisque opinantibus editos secundo, aut saltem tertio sæculo incunte adhærendum putamus, quoniam primis etiam Ecclesiæ sæculis obtinuisse non spernenda argumenta suadent.

LXXII. Sed multò minus de ipsorum Apostolicorum Canonum numero aliquid certi possumus statuere; verum quoniam quinquaginta a Dionysio translatos ex Apostolicis fontibus fluxisse cum Baronio *ad ann. CII. num. XII.* certissime teneant quamplurimi; ac de iisdem Stephanus Papa IV. in Synodo Lateranensi anno 769. celebrata *Ass. IV.* decreverit, ut suscipiantur; hinc juxta sensum Apostolicæ

Sedis hos quinquaginta recipiamus oportet.

LXXIII. Jam a Canonicis ad Civiles leges transimus. Inter has quarum etiam nunc, aut tabulæ extant, aut sparsa saltem fragmenta, præter Hæbraicas, & affines Ægyptiorum, Principem sibi vindicare locum Athenienses, vel Atticas, nemo qui juris scientiam delibavit, ignorat. Ab Atticis legibus originem duxisse Romanas, & tam Romanas, quam Atticas, etsi non omnes, ex Hæbraicis fuisse derivatas, ex earum collatione, aliisque historiæ monumentis certo colligitur.

LXXIV. Consuetudini, quæ omnibus ornata sit requisitis a Juristis conditionibus, inesse vim abrogandi legem contraria præscribentem, ipsamque vim legis obtinere, & periade ac lex esset observanda, cum JCC. omnibus sustinemus, rectèque proinde a P. O. Augustino l. 83. qq. q. 31. Consuetudo dicitur: *Jus, quod aut leviter natura tractum alius, & majus fecit usus, & religio; aut quod in morem vetustas vulgi approbatione perduxit.*

VH2
2517467